



## Breiðadalslína 1

Breyting á Aðalskipulagi Ísafjarðarbæjar 2008-2020

Skipulagslýsing

6. febrúar 2026



## Breiðadalslína 1

### Breyting á Aðalskipulagi Ísafjarðarbæjar 2008-2020

#### Skipulagslýsing

Skv. 30. skipulagslaga nr. 123/2010



## EFNISYFIRLIT

|          |                                                    |           |
|----------|----------------------------------------------------|-----------|
| <b>1</b> | <b>INNGANGUR.....</b>                              | <b>3</b>  |
| 1.1      | TILDRÖG.....                                       | 3         |
| 1.2      | TILGANGUR OG MARKMIÐ.....                          | 3         |
| <b>2</b> | <b>FORSENDUR OG SAMHENGIR SKIPULAGSGERÐAR.....</b> | <b>4</b>  |
| 2.1      | SKIPULAGSSVÆÐIÐ.....                               | 4         |
| 2.2      | LANDSLAG.....                                      | 4         |
| 2.3      | NÁTTÚRUMINJAR OG VISTGERÐIR.....                   | 5         |
| 2.4      | NÁTTÚRUVÁ.....                                     | 6         |
| 2.5      | VATNSHLOT.....                                     | 6         |
| 2.6      | MENNINGARMINJAR.....                               | 7         |
| 2.7      | GILDANDI SVÆÐISSKIPULAG.....                       | 7         |
| 2.8      | GILDANDI AÐALSKIPULAG.....                         | 8         |
| 2.9      | GILDANDI DEILISKIPULAG.....                        | 9         |
| 2.10     | TENGL VIÐ AÐRAR ÁÆTLANIR.....                      | 10        |
| <b>3</b> | <b>VIÐFANGSEFNI OG ÁHERSLUR.....</b>               | <b>12</b> |
| 3.1      | BREYTING Á SVEITARFÉLAGSUPPDRETTI.....             | 12        |
| 3.2      | BREYTING Á GREINARGERÐ.....                        | 12        |
| <b>4</b> | <b>UMHVERFISMAT SKIPULAGSINS.....</b>              | <b>13</b> |
| 4.1      | MIKILVÆGIR UMHVERFISÞÆTTIR.....                    | 13        |
| 4.2      | AÐFERÐIR VIÐ UMHVERFISMAT.....                     | 13        |
| 4.3      | UMHVERFISMATSSKÝRSLA.....                          | 15        |
| <b>5</b> | <b>SKIPULAGSFERLIÐ.....</b>                        | <b>16</b> |
| 5.1      | KYNNING OG SAMRÁÐ.....                             | 16        |
| 5.2      | UMSAGNARAÐILAR.....                                | 16        |
| 5.3      | TÍMAÁÆTLUN VERKEFNIS.....                          | 16        |



einnig að lágmarka umhverfisáhrif af skipulagsbreytingunni og framkvæmdinni, svo sem af línunni sjálfri, vegagerð og efnistöku í tengslum við hana.

## 1 INNGANGUR

### 1.1 TILDRÖG

Landsnet vinnur að undirbúningi fyrir hluta af Breiðadalslínu 1 í Dýrafirði, þ.e. um 4,23 km 132 kV loftlínu við sunnanverðan Dýrafjörð. Framkvæmdin er mikilvægur liður í því að auka öryggi flutningskerfisins á Vestfjörðum, en áður hefur Landsnet lagt jarðstreng í Dýrafjarðargöng. Framkvæmdin kallar á breytingu á *Aðalskipulagi Ísafjarðarbæjar 2008-2020* en gildandi aðalskipulag gerir ráð fyrir jarðstreng á þessum kafla línunnar. Tæknilegir annmarkar eru á því að leggja jarðstreng á þessum kafla Breiðadalslínu 1, þ.e. að tæknilegar takmarkanir eru á því hve hátt hlutfall jarðstrengja getur verið í flutningskerfinu, meðal annars vegna þess að jarðstrengir framleiða launafl sem getur valdið spennuhækkun í kerfinu og þar með erfiðleikum við rekstur þess.

Framkvæmdin er tilkynningarskyld til Skipulagsstofnunar, í samræmi við t.l. 13.02, í 1. viðauka laga um umhverfismat framkvæmda og áætlana nr. 111/2021, sem tekur til breytinga eða viðbóta á fyrirbyggjandi framkvæmdum. Matsskyldufyrirspurnin verður unnin samhliða breytingu á aðalskipulaginu. Jafnframt verður unnið áhrifamat vatnshlota fyrir framkvæmdina.

Aðalskipulagsbreytingin er unnin í samræmi við 36. gr. skipulagslaga nr. 123/2010 og í samræmi við 2. gr. laga um umhverfismat framkvæmda og áætlana nr. 111/2021. Ráðgjafi við skipulagsgerðina er Verkís.

### 1.2 TILGANGUR OG MARKMIÐ

Tilgangur skipulagsgerðarinnar er að skapa svigrúm í Aðalskipulagi Ísafjarðarbæjar 2008-2020 fyrir lagningu Breiðadalslínu 1 við sunnanverðan Dýrafjörð á kafla frá Dýrafjarðargöngum og vestur fyrir Kjaranstaði að þeim stað sem línan liggur yfir Dýrafjörð. Markmiðið er að styrkja flutningskerfi raforku á Vestfjörðum og auka afhendingaröryggi í kerfinu. Markmiðið er

### Hvað er skipulagslýsing?

Í upphafi vinnu að skipulagi tekur skipulagsnefnd sveitarfélagsins saman lýsingu fyrir skipulagsverkefnið þar sem *gerð er grein fyrir tildrögum skipulagsvinnunnar* og hvernig fyrirhugað er að standa að skipulagsgerðinni. Lýsingin er þannig einskonar verkáætlun fyrir skipulagsgerðina.

Lýsingin er kynnt opinberlega og almenningur fær rödd í skipulagsvinnunni. Samtímis er leitað umsagnar Skipulagsstofnunar og annarra umsagnaraðila.

Helsta markmið skipulagslýsingar er að *íbúar og aðrir hagsmunaaðilar fái tækifæri til að kynna sér áformin* strax í upphafi og geti þannig komið á framfæri *athugasemdum* og *ábendingum* um *nálgun* við skipulagsgerðina, *viðfangsefni* hennar og *helstu forsendur*.

Allar þær ábendingar sem berast við lýsingu þessa verða þannig *nýttar til að skilgreina verkefnið og ferli þess nánar*, en einnig við greiningu og stefnumótun á síðari stigum vinnunnar. Þannig aukast líkur á því að skipulagstillagan byggji á sem breiðustum grunni og taki á þáttum sem mikilvægir eru og snerta framtíðarþróun hverfisins.






## 2 FORSENDUR OG SAMHENG SKIPULAGSGERÐAR

### 2.1 SKIPULAGSSVÆÐIÐ

Skipulagsgerðin tekur til um um 4,3 km kafla Breiðadalslínu 1 og helgunarsvæðis hennar við sunnanverðan Dýrafjörð í Ísafjarðarbæ, sjá *Mynd 2.1*. Skipulagssvæðið er á láglandi í dreifbýli í innanverðum Dýrafirði, en fjörðurinn er þröngur og lítið undirlendi.



*Mynd 2.1 Gula línan sýnir grófa legu framkvæmdarinnar, þ.e. kafla Breiðadalslínu 1 í Dýrafirði, þar sem fyrirhuguð er breyting á Aðalskipulagi Ísafjarðar 2008-2020.*

Ár og lækir renna niður brattar hlíðar um dali og gil, en þeirra stærst er Kjaransstaðaá. Vestfjarðarvegur liggur með ströndinni norðan skipulagssvæðisins en meðfram honum sér víða ummerki eldri vegagerðar og vegslóða.

Skipulagssvæðið liggur um jarðirnar Kjaransstaðir (lögbyli samkvæmt lögbýlaskrá) og Dranga sem er eyðibýli. Við bæinn á Kjaransstöðum eru tún en að öðru leyti fer framkvæmdin um óræktað land.

Samkvæmt greiningu á aðstæðum fyrir gerð Dýrafjarðarganga<sup>1</sup> hlóðst berggrunnur Vestfjarða upp úr ótalmörgum hraunlögum fyrir um 16,5 til 10 milljónum ára. Við í hraunlagastaflanum við sunnanverðan Dýrafjörð eru m.a. ummerki um Tjaldaneseldstöðina, þ.e. forns yfirborðs eldstöðvarinnar. Á svæðinu eru einnig sterk ummerki jökulrofs sem stefnir út Dýrafjörð og úr skálum og hliðardölum.

### 2.2 LANDSLAG

Samkvæmt flokkun og kortlagningu landslagsgerða á landsvísu<sup>2</sup> er skipulagssvæðið innan landslagssvæðisins 6.1.1 Ísafjarðardjúp, sunnan- og vestanverðir Vestfirðir og því er lýst á eftirfarandi hátt:

*Djúpir jökulsorfnir firðir og inndalir á suðvestanverðum Vestfjörðum. Brött fjöll ganga upp frá fjarðarbotnum og þau hæstu ná um 1.000 m hæð yfir sjávarmáli. Undirlendi er lítið en gróð grasi eða birkikjarri. Skriður fjallanna eru lítt grónar, brattar, grófar og fremur óstöðugar. Lítt grónir melar á fjallstoppum. Byggð er í mörgum fjörðum, bæði strjál byggð í dreifbýli og þéttbýlisstaðir. Ísafjörður er þeirra fjölmennastur.*


<sup>1</sup> Ágúst Guðmundsson o.fl. (1999). Arnarfjörður – Dýrafjörður. Könnun á aðstæðum fyrir jarðgöng. Unnið fyrir Vegagerðina 1999. Jarðfræðistofan ÁGVST. Sótt 2. febrúar 2026 af <https://www.vegagerdin.is/>

<sup>2</sup> Anna Rut Arnardóttir o.fl.. (2020). Landslag á Íslandi. Flokkun og kortlagning landslagsgerða á landsvísu. Unnið af Eflu verkfræðistofu og Land Use Consultants í Skotlandi fyrir Skipulagsstofnun.



## 2.3 NÁTTÚRUMINJAR OG VISTGERÐIR

Skipulagssvæðið er utan friðlýstra svæða, en það er innan svæða á náttúruminjaskrá, þ.e. aðrar náttúruminjar C-huta, sjá . Um er að ræða 311. Skaginn milli Arnarfjarðar og Dýrafjarðar, Þingeyrarhreppi, V-Ísafjarðarsýslu<sup>3</sup>, sjá *Mynd 2.2*.



*Mynd 2.2 Gula línan sýnir grófa legu framkvæmdarinnar þ.e. kafla Breiðadalslínu 1 í Dýrafirði, þar sem fyrirhuguð er breyting á Aðalskipulagi Ísafjarðar 2008-2020. Einnig svæði á C-hluta náttúruminjaskrár og svæði sem er hluti af tillögum Náttúrufræðistofnunar á B-hluta náttúruminjaskrár.*

Eftirfarandi segir um svæðið í náttúruminjaskrá:

*(1) Allur skaginn utan ræktaðs lands og þéttbýlis ásamt löndum Hrafnseyrar og Gljúfurár í Arnarfirði. Til austurs ráða mörk svæðis nr. 313 í fjallið Sjónfríð, þaðan lína í upptök Hofsár í Borgarfirði og með henni til sjávar. (2) Fjölbreytt landslag, gróðursælar hliðar og dalir, umgirt stórskoru fjallendi. Framhlaup og jökulminjar. Hrafnseyri er fjölsóttur ferðamannastaður með sögum.*

Í nálægð skipulagssvæðið er einnig á C-hluta náttúruminjaskrár 312. Ketilseyri í Dýrafirði, Þingeyrarhreppi, V-Ísafjarðarsýslu. Ketilseyri í Dýrafirði. Þar er að finna jarðlög með plöntusteingervingum og einstæðan fundarstað pöntuleifa í rauðu millilagi frá tertíer.

Á ströndinni og í fjörunni í Dýrafirði er svæði sem er hluti af tillögum Náttúrufræðistofnunar á B-hluta náttúruminjaskrár, þ.e. Dýrafjörður<sup>4</sup> en svæðið er tilnefnt vegna fjöruvistgerða (*Mynd 2.2*).

Samkvæmt kortasjá NÍ yfir tiltekin náttúruvæðingum sem njóta sérstakrar verndar samkvæmt 61. gr. laga nr. 60/2013 um náttúruvernd, þá er innan skipulagssvæðisins lítt raskað votlendi stærra en 20.000 m<sup>2</sup> og meira en 200 m frá skurðum á láglendi, sjá *Mynd 2.3*.<sup>5</sup>


Fjölbreyttar vistgerðir eru innan skipulagssvæðisins og við skipulagssvæðið. Meðal vistgerða á svæðinu eru *Starungsmýravist* sem hefur mjög hátt verndargildi og *Lyngmóavist* á láglendi með hátt verndargildi. Dæmi um vistgerðir með lágt verndargildi eru *Mosamelavist*, *Víðimelavist*, *Hraungambravist* og *Grasvíðiskriðuvist*. Auk þess eru *Skógrækt* og *Tún* og *akurlendi* innan skipulagssvæðisins, sjá *Mynd 2.4*.

<sup>3</sup> Náttúruverndarstofnun (2026). Náttúruverndarsvæði. Náttúruminjaskrá. Vestfirðir. Sótt 2. febrúar 2026 af <https://ust.is>

<sup>4</sup> Náttúrufræðistofnun. (2020). Tillögur Náttúrufræðistofnunar að svæðum á B-hluta náttúruminjaskrár. Dýrafjörður. Sótt 2. febrúar 2026 af <https://www.natt.is/>

<sup>5</sup> Náttúrufræðistofnun Íslands. (2026). Sérstök vernd náttúruvæðinga. Sótt 5. febrúar 2026 af <https://www.ni.is>






Mynd 2.3 Gula línan sýnir grófa legu framkvæmdarinnar, þ.e. kafla Breiðadalslínu 1 í Dýrafirði, þar sem fyrirhuguð er breyting á Aðalskipulagi Ísafjarðar 2008-2020. Einnig náttúrumínjar sem njóta verndar samkvæmt 61. gr. náttúruverndarlaga.

## 2.4 NÁTTÚRUVÁ

Á skipulagssvæðinu eru ekki þekktir staðir þar sem talin er hættu af völdum ofanflóða. Að sama skapi eru ekki innan skipulagssvæðisins staðir sem þekktir eru fyrir aftakaveður.



Mynd 2.4 Gula línan sýnir grófa legu framkvæmdarinnar, þ.e. kafla Breiðadalslínu 1 í Dýrafirði, þar sem fyrirhuguð er breyting á Aðalskipulagi Ísafjarðarbæjar 2008-2020. Einnig vistgerðir á skipulagssvæðinu samkvæmt vistgerðarkorti Náttúrufræðistofnunar.

## 2.5 VATNSHLOT

Samkvæmt Vatnavefsjá<sup>6</sup> er skipulagssvæðið innan grunnvatnshlotsins 101-274G – Vestfirðir. Í nálægð við fyrirhugaða línu eru strandsjávarhlotin 101-1386-C – Dýrafjörður og 101-1281-C – Dýrafjarðarbotn. Kjaranstaðaá er innan skipulagssvæðisins en hún er ekki skilgreind sem vatnshlot í vatnavefsjá. Vísað er til áhrifamats vatnshlota sem verður viðauki með matsskyldutilkynningu Breiðadalslínu 1 og einnig fylgiskjal með breytingartillögu aðalskipulagsins.

<sup>6</sup> Umhverfisstofnun (2026). Vatnavefsjá. Sótt 2. febrúar 2026 af <https://ust.is>



## 2.6 MENNINGARMINJAR

Fornleifaskráning var framkvæmd á svæðinu í tengslum við fyrirhugaða lagningu rafstrengs frá Þingeyri að Dýrafjarðargöngum<sup>7</sup> en skýrsla um skráninguna kom út árið 2017, sjá *Mynd 2.5*. Skráning minjanna var framkvæmd samkvæmt núgildandi lögum um menningarminjar og staðsetningu þeirra má sjá á minjavefsjá. Einnig eru fyrir liggjandi eldri fornleifaskráningar vegna vegagerðar og gangnagerðar milli Dýrafjarðar og Arnarfjarðar en þær fornleifaskráningar voru framkvæmdar samkvæmt þágildandi lögum um menningarminjar.<sup>8,9</sup>

Fjölmargar fornleifar eru á svæðinu og tengist hún einkum byggð á Kjarnastöðum og Dröngum og eldri leiðum eða vegum um svæðið. Í fornleifaskráningu vegna rafstrengs voru skráðar voru 7 fornleifar á athugunarsvæðinu á landi Kjarnastaðakots og 4 fornleifar á landi Hvamms. Nánari skráning fornleifa mun liggja fyrir áður en óskað verður eftir framkvæmdaleyfi.

## 2.7 GILDANDI SVÆÐISSKIPULAG

Á skipulagssvæðinu er ekki í gildi svæðisskipulag. Unnið er að gerð svæðisskipulags fyrir Vestfirði. Skipulagssvæðið tekur til alls lands aðildarsveitarfélaga Fjórðungssambands Vestfirðinga, frá Brekkuá í Gilsfirði að vestan og austur að Stikuhálsi milli Bitru og Hrótafjarðar. Svæðisskipulagið tekur til 25 ára, þ.e. árin 2025-2050. Viðfangsefni svæðisskipulagsins samkvæmt vinnslutillögu taka til *Náttúru og auðlinda*, *Grunnkerfa*, *Samfélagsauðs*, *Atvinnu og nýsköpunar* og *Menningarauðs*. Tekið verður mið af áherslum svæðisskipulagsins við útfærslu aðalskipulagsbreytingarinnar.

<sup>7</sup> Margrét Hrönn Hallmundsdóttir. (2017). Fornleifakönnun vegna lagningu á rafstreng að Dýrafjarðargöngum. Náttúrustofa Vestfjarða. Bolungarvík, apríl 2017. NV nr. 17-17. Sótt 2. febrúar 2026 af <https://www.minjastofnun.is/>

<sup>8</sup> Margrét Hallmundsdóttir. (2009). Viðbótarkönnun á fornleifum vegna fyrirhugaðra ganga milli Dýrafjarðar og Arnarfjarðar. Náttúrastofa Vestfjarða. Bolungarvík , júní 2009. NV nr. 2-09. Sótt 2. febrúar 2026 af <https://www.minjastofnun.is/>



Mynd 2.5 Gula línan sýnir grófa legu framkvæmdarinnar, þ.e. kafla Breiðadalslínu 1 í Dýrafirði, þar sem fyrirhuguð er breyting á Aðalskipulagi Ísafjarðarbæjar 2008-2020. Einnig skráðar fornleifa samkvæmt Minjavefsjá á skipulagssvæðinu. Í gögnunum eru ekki minjastaðir sem skráðir voru samkvæmt eldri lögum og ekki hafa verið staðsettar á Minjavefsjá.

<sup>9</sup> Margrét Hallmundsdóttir og Caroline Paulsen. (2008). Fornleifakönnun vegna fyrirhugaðra ganga milli Arnarfjarðar og Dýrafjarðar. Unnið fyrir Vegagerðina. Náttúrustofa Vestfjarða. Bolungarvík, mars 2008. NV nr. 7-08. Sótt 2. febrúar 2026 af <https://www.minjastofnun.is/>





## 2.8 GILDANDI AÐALSKIPULAG

Aðalskipulag *Ísafjarðarbæjar 2008-2020* var samþykkt í bæjarstjórn 4. febrúar 2010, var staðfest 31. mars 2010 og tók gildi 20. apríl sama ár. Gerðar hafa verið 23 breytingar á aðalskipulaginu frá því að það tók gildi en engin þeirra varðar skipulagssvæðið. Unnið er að heildarendurskoðun þess. Skipulagssvæðið tekur til rafveitu og landbúnaðarsvæða, sjá *Mynd 2.6*.



*Mynd 2.6 Gula línan sýnir grófa legu framkvæmdarinnar, þ.e. kafla Breiðadalslínu 1 í Dýrafirði, og landnotkun samkvæmt gildandi aðalskipulagi.*

### Stefna gildandi aðalskipulags um rafveitu

Fjallað er um rafveitu í kafla 11.2.4 *Rafveita* í greinargerð gildandi aðalskipulags. Þar eru eftirfarandi markmið sett fram:

- Bæta afhendingaröryggi raforku og draga verulega úr straumleysi

- Hægt verði að mæta aukinni orkuþörf
- Bæta eyjarekstur og samnýta varaafli á svæðinu
- Hlutfall endurnýjanlegra orkugjafa í orkunotkun verði sem hæst
- Stuðlað verði að aukinni orkunýtni
- Lágmarka neikvæð umhverfisáhrif af nýlagningu lína

Í aðalskipulaginu eru jafnframt skilgreindar leiðir sem helst hafa verið skoðaðar við framfylgd stefnu aðalskipulagsins um rafveitu. Í *Töflu 11.3. Stofnkerfi rafmagnsveitna í Ísafjarðarbæ: Flutningslínur og dreifilínur* (bls. 169) eru ákvæði fyrir Breiðadalslínu 1, en þau eru eftirfarandi:

| Lína                                                                                                              | Ákvæði                                                                                                                                                                                                                                                                             |
|-------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Breiðadalslína 1</b><br>66 kV flutningslína.<br>Lengd 36,4 km.<br>Liggur frá Mjólka að tengivirki í Breiðadal. | Gert ráð fyrir því að línan verði lögð í jarðgöngin á milli Dýrafjarðar og Arnarfjarðar og almennt í jörðu þar sem kostur er.<br>Ávallt skal leitast við að lágmarka neikvæð áhrif á umhverfið.<br>Virða skal helgunarsvæði og tryggja aðgengi að línun og möstrum vegna viðhalds. |

Breiðadalslína 1 er jafnframt sýnd á sveitarfélagsuppdrætti, þ.e. á *Aðalskipulagi Ísafjarðarbæjar 2008-2020; Sveitarfélagsuppdrætti – sunnan Djúps*. Á skipulagssvæðinu er línan sýnd sem rafveita í jörð (jarðstrengur) á uppdrættinum.

### Stefna gildandi aðalskipulags um landbúnaðarsvæði

Fjallað er um landbúnað og landbúnaðarsvæði í kafla 8.4 *Landbúnaður* í greinargerð aðalskipulagsins. Þar eru eftirfarandi markmið sett fram:

- Gott landbúnaðarland, sem er í góðum tengslum við innviði sveitarfélagsins, verði nýtt til landbúnaðar
- Stuðla að því að þeir sem hafa áhuga á því að stunda búskap, fái tækifæri til þess



- Stefnt verði að sjálfbærum búskap sem miðar að arðbærri framleiðslu sem tekur bæði tillit til umhverfis og dýravelferðar
- Bændur verði hvattir til að vinna að landnýtingaráætlunum fyrir jarðir sínar
- Efla tengsl landbúnaðar og ferðaþjónustu
- Tryggja hefðbundna hlunnindanýtingu

Í greinargerðinni eru skilgreindir takmarkandi þættir við uppbyggingu á landbúnaðarsvæðum, sbr. *Töflu 8.2. Takmarkandi þættir við uppbyggingu á landbúnaðarsvæðum* (bls. 109). Þar er m.a. tilgreind lágmarksfjarlægð frá veitulögnum.

Í töflu 8.3. *Skipulagsákvæði landbúnaðarsvæða* (bls. 109-110) eru ákvæði fyrir landbúnaðarsvæði utan hverfisverndarsvæða, en þau eru eftirfarandi:

| Svæði                                      | Ákvæði                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
|--------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Landbúnaðarsvæði utan hverfisverndarsvæða. | <p>Skógrækt, þ.m.t. nytjaskógrækt, er heimil á landbúnaðarsvæðum en skal falla vel að náttúrulegu og landslagi og menningarlandslagi. Skógrækt skal ekki spilla landi til matvælaframleiðslu, raska náttúrufyrirbrigðum sem njóta sérstakrar verndar skv. Náttúruverndarlögum, skerða óhóflega útsýni, berjalönd eða aðgengi að útivistarsvæðum. Sjá nánar í kafla 4.2 um skógrækt. Byggja má 3 fristundahús ef aðstæður leyfa á hverri jörð án þess að það komi fram á aðalskipulaginu. Fristundahús skulu ekki skerða gott land til matvælaframleiðslu. Landbúnaður verði eflur sem atvinnugrein. Hefðbundin hlunnindanýting verði tryggð. Mikilvæg búsvæði fugla, s.s. æðarvarp, verði verndað gagnvart mannvirkjagerð og annarri umgengni sem gæti raskað þeim. Sjósókn og minni fiskverkun heimil. Heimilt að virkja bæjarlækinn, allt að 30 kW með minniháttar uppistöðulóni eða 200 kW án uppistöðulóns, án þess að breyta aðalskipulagi, sjá kafla 8.7 um iðnaðar og athafnasvæði. Heimilt að leita eftir heitu vatni og nýta hugsanlegt vatn til búreksturs án þess að breyta aðalskipulagi, sbr. kafla 8.7 um iðnaðar- og athafnasvæði.</p> |

### Stefna gildandi aðalskipulags um efnistökusvæði

Fjallað er um efnistökusvæði í kafla 8.8 *Efnistaka og vinnsla* í greinargerð aðalskipulagsins. Þar eru eftirfarandi markmið sett fram:


- Nægt framboð efnistökusvæða verði fyrir fjölbreytta starfsemi
- Öllum eldri námum, sem ekki eru sýndar á aðalskipulaginu, verði lokað þannig að þær falli sem best að umhverfi og náttúruleg gæði verði endurheimt

Í greinargerðinni er einnig nánari umfjöllun um lokun og frágang náma og tafla yfir efnistökusvæði í sveitarfélaginu ásamt ákvæðum fyrir þau.

## 2.9 GILDANDI DEILISKIPULAG

Innan skipulagssvæðisins er í gildi *Deiliskipulag Dýrafjarðarganga – Drangar*, deiliskipulag við munna Dýrafjarðarganga í landi Dranga sem tók gildi tók gildi 14. nóvember 2016, sjá afmörkun deiliskipulagssvæðisins á [Mynd 2.7](#).

Deiliskipulagið tekur til vinnubúða og vinnusvæðis vegna Dýrafjarðarganga, en þar var heimilt að staðsetja verkstæði, geymslur eða gáma, skrifstofuaðstöðu, spennistöð, steypustöð, sprengiefnageymslu og haugsvæði sem áætlað var að setja upp vegna framkvæmdanna. Í deiliskipulaginu kemur fram að framkvæmdum loknum verði vinnubúðirnar fjarlægðar og gengið frá svæðinu þannig að ásýnd þess verði sem líkust því sem var fyrir framkvæmdirnar.



Mynd 2.7 Gula línan sýnir grófa legu framkvæmdarinnar, þ.e. kafla Breiðadalsslínu 1 í Dýrafirði, þar sem fyrirhuguð er breyting á Aðalskipulagi Ísafjarðarbæjar 2008-2020. Einnig afmörkun deiliskipulagssvæðis, þ.e. Deiliskipulags Dýrafjarðarganga – Drangar (rauð lína).

## 2.10 TENGLI VIÐ AÐRAR ÁÆTLANIR

Við skipulagsgerðina verður gætt að samræmi við stefnu stjórnvalda á landsvísi um skipulagsmál og stefnu Ísafjarðarbæjar. Helstu áætlanir og stefnuskjöl eru tilgreind hér að neðan.

### Landsskipulagsstefna 2024-2038

Landsskipulagsstefna er unnin á grundvelli skipulagslaga og felur í sér stefnu ríkisins í skipulagsmálum og almenn sjónarmið til leiðbeiningar við skipulagsgerð sveitarfélaga. Þann 16. maí 2024 samþykkti Alþingi þingsályktun um landsskipulagsstefnu fyrir árin 2024-2038<sup>10</sup> ásamt fimm ára aðgerðaáætlun fyrir árin 2024-2028. Skipulagsbreytingin tengist beint lykilviðfangsefni landsskipulagsstefnu um uppbyggingu þjóðhagslega mikilvægra innviða og eftirfarandi kemur fram um það efni:

*Innviðir eru forsenda fyrir þróun byggðar og kröftugu atvinnulífi. Uppbygging þeirra getur haft áhrif á ólíka hagsmuni varðandi þróun byggðar og landnotkunar. Innviðir tengdir flutningskerfum fyrir orku, vatn og varma, en einnig þeir sem snúa að flutningi, samgöngum og fjarskiptum, geta haft mismikil áhrif á íbúa og dæmi eru um að ágreiningur skapist um staðsetningu þeirra og hvernig gerð er grein fyrir þeim í skipulagi. Úr sumum þessara ágreiningsmála næst ekki að leysa og mikilvægar framkvæmdir ná ekki fram að ganga. Því er mikilvægt að til sé farvegur fyrir skipulagsákvæðanir og leyfisveitingar þjóðhagslegra mikilvægra innviða sem þjóna hagsmunum landsins alls.*

Skipulagsbreytingin tengist einnig viðfangsefnum landsskipulagsstefnu um landnotkun í dreifbýli. Áherslur landsskipulagsstefnu eru eftirfarandi:

**B.5 Skipulag stuðli að jöfnu aðgengi að orku um land allt og traustum veituinnsviðum sem tryggja örugga afhendingu orku.**

*Framfylgd við skipulagsgerð í dreifbýli:*

*5. Skipulagsákvæðanir um raforkuflutningsmannvirki geri kleift að tryggja öruggan flutning og afhendingu raforku, um leið og tekið er tillit til áhrifa á náttúru og landslag. Við skipulagsákvæðanir um lagningu raflína verði lagt mat á umhverfisáhrif, þar á meðal*

<sup>10</sup> Alþingi. (2024). Þingsályktun um landsskipulagsstefnu fyrir árin 2024–2038 ásamt fimm ára aðgerðaáætlun fyrir árin 2024–2028. Sótt 4. febrúar 2024 af <https://www.althingi.is/>





*sjónræn áhrif, og leitast við að velja þann kost sem veldur minnstum neikvæðum umhverfisáhrifum.*

Breyting á Aðalskipulagi Ísafjarðarbæjar 2008-2020 vegna Breiðadalslínu 1 er í samræmi við áherslur Landsskipulagsstefnu 2024-2038 um uppbyggingu þjóðhagslega mikilvægra innviða og skipulags í dreifibýli.

### *Náttúruminjaskrá og náttúruverndaráætlun*

Náttúruminjaskrá er listi yfir öll friðlýst svæði á Íslandi og mörg önnur merkileg svæði sem hafa ekki enn verið friðlýst. Skipulagsbreytingin (skipulagssvæðið) nær ekki inn á friðlýst svæði, en er innan svæðis á C-hluta náttúruminjaskrár.<sup>11</sup> Meðal sérstöðu svæðisins samkvæmt náttúruminjaskrá er fjölbreytt landslag og tekið verður mið af því við útfærslu tillögu að breytingu á aðalskipulaginu.

### *Vatnaáætlun Íslands 2022-2027*

Vatnaáætlun er unnin á grundvelli laga um stjórn vatnamála nr. 36/2011. Lögunum er ætlað að stuðla að sjálfbærri nýtingu vatns og langtímavernd vatnsauðlindarinnar. Vatnaáætlun felur í sér stefnumörkun um vatnsvernd. Hluti af vatnaáætlun er aðgerðaáætlun þar sem settar eru fram aðgerðir til að tryggja gott ástand vatns og vöktunaráætlun þar sem markmiðið er m.a. að samræma vöktun á vatni um allt land.<sup>12</sup>

Skipulagssvæðið er innan grunnvatnshlotsins 101-274G – Vestfirðir. Í nálægð við fyrirhugaða línu eru strandsjávurhlutin 101-1386-C – Dýrafjörður og 101-1281-C – Dýrafjarðarbotn. Ólíklegt er að skipulagsbreytingin eða framkvæmdin hafi áhrif á vatnshlot en áhrifamat vatnshlota verður unnið samhliða skipulagsgerðinni og tilkynningu um matsskyldu framkvæmdarinnar.

### *Landslagssamningur Evrópu*

Samningurinn var gerður á vettvangi Evrópuráðsins árið 2000 en var fullgiltur á Íslandi 1. apríl árið 2020. Markmið samningsins eru m.a. að efla vernd landslagsgerða, bæta umsjón og skipulag með tilliti til landslags. Samningnum er ætlað að tryggja að íbúar hafi aðgang að og tækifæri til að njóta fagurs landslags.<sup>13</sup>

Skipulagsbreytingin felur í sér skilgreiningu loftlínu í skipulagi og tengdum framkvæmdum eins og vegagerð og efnistöku, þ.e. röskun á landi af þeim sökum. Rík áhersla er á línán falli vel að landi og vandað verði til frágangs á svæðinu að framkvæmdum loknum.



*Mynd 2.8 Úr Dýrafirði, séð inn til Kjaransstaða.*

<sup>11</sup> Náttúruverndarstofnun (2026). Náttúruverndarsvæði. Náttúruminjaskrá. Vestfirðir. Sótt 2. febrúar 2026 af <https://ust.is>

<sup>12</sup> Umhverfisstofnun (2022). Vatnaáætlun Íslands 2022-2027. Sótt 4. febrúar 2026 af <https://ust.is>

<sup>13</sup> Umhverfisstofnun. (2025C). Alþjóðlegar skuldbindingar. Landslagssamningur Evrópu. Sótt 8. janúar 2025 af <https://ust.is>



### 3 VIÐFANGSEFNI OG ÁHERSLUR

Breyting verður gerð á *Aðalskipulagi Ísafjarðarbæjar 2008-2020* þar sem skilgreind verður loftlína í stað jarðstrengs á kafla Breiðadalslínu 1. Skipulagsgerðin verður í samræmi við ákvæði skipulagslaga nr. 123/2010 og skipulagsreglugerð nr. 90/2013. Einnig laga um umhverfismat framkvæmda og áætlana nr. 111/2021.

Breyting aðalskipulagsins felst í því að breytt er stefnu aðalskipulagsins um rafveitu, efnistöku og landbúnaðarsvæði í innanverðum Dýrafirði, en breytingarnar taka til greinargerðar og á sveitarfélagsuppráttar.

#### 3.1 BREYTING Á SVEITARFÉLAGSUPPRÆTTI

Í neðangreindri töflu (*Tafla 3.1*) er yfirlit yfir helstu breytingar á sveitarfélagsupprætti aðalskipulagsins í Dýrafirði.

*Tafla 3.1 Helstu breytingar á sveitarfélagsupprætti, þ.e. Aðalskipulag Ísafjarðarbæjar 2008-2020; Sveitarfélagsuppráttur – sunnan Djúps.*

| Breytingar á sveitarfélagsupprætti-                                                                                                                                                                                                                                                                                                          |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><b>Rafveita</b><br/>Afmörkun Breiðadalslínu 1 er breytt á kafla, þ.e. sýnd verður loftlína (rafveita) í stað jarðstrengs (rafveita í jörð) og jafnframt breytist lega línunnar.</p> <p><b>Landbúnaðarsvæði</b><br/>Afmörkun landbúnaðarsvæðis verður óbreytt.</p> <p><b>Efnistökusvæði</b><br/>Bætt verður inn nýjum efnistökusvæðum.</p> |

#### 3.2 BREYTING Á GREINARGERÐ

Í neðangreindri töflu (*Tafla 3.2*) er yfirlit yfir helstu breytingar á greinargerð aðalskipulagsins.

*Tafla 3.2 Helstu breytingar á greinargerð Aðalskipulags Ísafjarðarbæjar 2008-2020.*

| Breytingar á greinargerð                                                                                                                                                                                                                                                                                                                                                                                                                                                                                                                                                                                                                             |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><b>Kafli 11.2.4 Rafveita</b><br/>Í kaflanum verður bætt inn töflu um helgunarsvæði raflína, í samræmi við viðmið Landsnets um það efni.</p> <p><b>Kafli 8.4 Landbúnaður</b><br/>Í kaflanum verður tafla 8.2. <i>Takmarkandi þættir við uppbyggingu á landbúnaðarsvæðum</i> (bls. 109) uppfærð, þ.e. lágmarksfjarlægð frá veitulögnum. Vísað verður í til helgunarsvæðis raflína, þ.e. vísað til helgunarsvæðis raflína í kafla 11.2.4 <i>Rafveita</i>.</p> <p><b>Kafli 8.8 Efnistaka og vinnsla</b><br/>Í kaflanum verður tafla 8.9. <i>Efnistökusvæði í Ísafjarðarbæ</i> (bls. 130-131) uppfærð og bætt inn ákvæðum fyrir ný efnistökusvæði.</p> |



## 4 UMhverfismat skipulagsins

### Hvað er umhverfismat áætlana

Umhverfismat áætlana felst í að meta áhrif skipulags- og framkvæmdaáætlana á umhverfið og **nýta niðurstöður** matsins til að **draga úr neikvæðum umhverfisáhrifum** þeirra.

Umhverfismat ber að vinna sem **hluta af skipulagsáætlunum** sveitarfélaga og áætlana á borð við rammaáætlun og samgönguáætlun.

Ákvæði um umhverfismat áætlana er að finna í sérstökum lögum um umhverfismat framkvæmda og áætlana og í 12. gr. skipulagslaga

Áhrif skipulagsgerðarinnar verður metin samkvæmt lögum um umhverfismat framkvæmda og áætlana nr. 111/2021, sbr. 2. gr. laganna. Áhrif skipulagsins á þá þætti umhverfisins sem gætu orðið fyrir áhrifum verða metin samhliða gerð skipulagsins og mið tekið af niðurstöðum matsins við útfærslu þess.

#### 4.1 MIKILVÆGIR UMhverfispættir

Áhrifapættir eru þeir hlutar stefnunnar eða framkvæmdarinnar sem eru líklegir til að hafa áhrif á umhverfið. Umhverfispættir eru þeir þættir sem framkvæmdin eða stefnan getur haft áhrif á. Umhverfismatinu er ætlað að lágmarka neikvæð áhrif og hámarka þau jákvæðu.

Í neðangreindri töflu (*Tafla 4.1*) er vinsun umhverfispáttá, þ.e. megin matsþættir og umhverfispættir sem eru líklegir til að verða fyrir áhrifum vegna skipulagsins, þ.e. breytingu á aðalskipulaginu. Val umhverfispáttá byggir á fyrirliggjandi upplýsingum um fyrirhugaða efnistöku og breytingu á aðalskipulagi í tengslum við hana.

*Tafla 4.1 Matsþættir og umhverfispættir sem teljast líklegir til þess að verða fyrir áhrifum vegna skipulagsgerðar í tengslum við breytingu á Aðalskipulagi Ísafjarðarbæjar 2008-2020.*

| Matsþáttur    | Umhverfispættir                                                                  | Skýringar                                                                                                                                                                                           |
|---------------|----------------------------------------------------------------------------------|-----------------------------------------------------------------------------------------------------------------------------------------------------------------------------------------------------|
| Náttúruminjar | Vatn, jarðmyndanir, jarðvegur, dýr, plöntur, líffræðileg fjölbreytni og loftslag | Rask á landi og losun jarðvegs vegna lagningu línunnar og vegagerð. Losun gróðurhúsalofttegunda. Möguleg búsvæðaröskun á framkvæmdatíma.                                                            |
| Samfélag      | Landslag, heilbrigði manna og útivist, hljóð, loft og fornleifar                 | Breyting á ásýnd lands og staðbundin áhrif á landslag á svæðinu. Truflun á framkvæmdatíma og áhrif á möguleika til útivistar, einkum á framkvæmdatíma. Möguleg röskun á fornleifum við framkvæmdir. |
| Innviðir      | Efnisleg verðmæti                                                                | Áhrif af styrkingu innviða og aukins orkuöryggis.                                                                                                                                                   |

#### 4.2 AÐFERÐIR VIÐ UMhverfismat

Við umhverfismat er stuðst við þær upplýsingar sem fyrir liggja um grunnástand umhverfis og aflað hefur verið við undirbúning skipulagsgerðarinnar. Þá verður einnig leitað til sérfróðra aðila, stofnana og annarra sem kunna að búa yfir þekkingu á staðháttum, gerist þess þörf.

Framsetning umhverfismats verður í formi matstafla og/eða texta. Lagðar verða fram skipulagstillögur ásamt umhverfismatsskýrslu til lögbundinnar kynningar.





Í umhverfismatinu er stuðst við vægiseinkunnir við mat á einstökum þáttum skipulagsins (**Error! Reference source not found.**). Vægiseinkunnin byggir á leiðbeiningum Skipulagsstofnunar.<sup>14</sup> Umhverfisviðmiðin byggja á stefnu stjórnvalda, svo sem landsskipulagsstefnu (*Tafla 4.3*). Skilgreindar eru matsspurningar til að greina það

Í umhverfismatinu er lagt mat á það hvort framkvæmdir samkvæmt útfærslu í skipulagi eða aðrir valkostir styðji eða gangi gegn þeirri stefnu sem viðeigandi umhverfisviðmið fela í sér.

*Tafla 4.2 Vægiseinkunn fyrir mat á umhverfisáhrifum breytinga á Aðalskipulagi Ísafjarðarbæjar 2008-2020.*

| Vægiseinkunn | Skýringar                                                                                                                                                                                       |
|--------------|-------------------------------------------------------------------------------------------------------------------------------------------------------------------------------------------------|
| ++           | <b>Veruleg jákvæð áhrif.</b> Tillaga að aðalskipulagsbreytingu eða framkvæmd styður viðkomandi umhverfisviðmið og stuðlar að verulega jákvæðri breytingu á umhverfinu                           |
| +            | <b>Jákvæð áhrif.</b> Tillaga að aðalskipulagsbreytingu eða framkvæmd styður viðkomandi umhverfisviðmið                                                                                          |
| 0            | <b>Engin eða óveruleg áhrif / Á ekki við.</b> Tillaga að aðalskipulagsbreytingu eða framkvæmd hefur engin, lítil eða óljós tengsl við viðkomandi umhverfisviðmið                                |
| -            | <b>Neikvæð áhrif.</b> Tillaga að aðalskipulagsbreytingu eða framkvæmd vinnur gegn eða gengur þvert á viðkomandi umhverfisviðmið                                                                 |
| --           | <b>Veruleg neikvæð áhrif.</b> Tillaga að aðalskipulagsbreytingu eða framkvæmd vinnur gegn eða gengur þvert á viðkomandi umhverfisviðmið og stuðlar að verulega neikvæðri breytingu á umhverfinu |
| ?            | <b>Óvissa um áhrif / Vantar upplýsingar.</b> Óvíst er eða háð útfærslu hvort aðalskipulagsbreyting eða framkvæmd styður eða vinnur gegn viðkomandi umhverfisviðmiði                             |

<sup>14</sup> Skipulagsstofnun. (2007). Leiðbeiningar um umhverfismat áætla. Sótt 8. janúar 2025 af <https://island.is/s/skipulagsstofnun/>



**Tafla 4.3 Matsþættir, umhverfisþættir og viðmið fyrir umhverfismat tillögu að breytingu á Aðalskipulagi Ísafjarðarbæjar 2008-2020.**

| Matsþáttur                  | Viðmið                                                                                                                                                                                                                                                                                                                                                                                                                                                                                                                                                                                                                                                                                                                                                                  |
|-----------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Náttúru- og menningarminjar | <p><b>Lög um náttúruvernd nr. 60/2013.</b> Í 61. gr. er ákvæði um sérstaka vernd tiltekinna vistkerfa og jarðminja sem njóta verndar skv. lögnum.</p> <p><b>Landsskipulagsstefna 2024-2038.</b><sup>15</sup></p> <ul style="list-style-type: none"> <li>Áhersla A.4. Skipulag stuðli að verndun og varðveislu líffræðilegrar fjölbreytni, sérstæðrar náttúru og menningarminja.</li> </ul> <p><b>Aðgerðaráætlun í loftslagsmálum.</b> Viðmiðið er að draga úr losun gróðurhúsalofttegunda og vinna að aðlögun að loftslagsbreytingum.</p> <p><b>Lög um stjórn vatnamála nr. 36/2011.</b> Markmið laganna er m.a. að vernda vatn og vistkerfi þess og hindra frekari rýrnun vatnsgæða. Einnig að stuðla að sjálfbærri nýtingu vatns og langtímavernd auðlindarinnar.</p> |
| Samfélag                    | <p><b>Lög um menningarminjar nr. 80/2012.</b> Tilgangur laganna er að stuðla að verndun menningarminja og tryggja að íslenskum menningararfi verði skilað óspilltum til komandi kynslóða.</p> <p><b>Landsskipulagsstefna 2024-2038.</b></p> <ul style="list-style-type: none"> <li>Áhersla A.5. Skipulag miði að því að varðveita fjölbreytt og verðmætt landslag, svo sem óbyggð viðerni og landslagsheildir.</li> <li>Áhersla B.10. Skipulag geri viðeigandi ráðstafanir varðandi heilnæmi umhverfis.</li> </ul>                                                                                                                                                                                                                                                      |
| Innviðir                    | <p><b>Landsskipulagsstefna 2024-2038.</b></p> <ul style="list-style-type: none"> <li>Áhersla B.5. Skipulag stuðli að jöfnu aðgengi að orku um land allt og traustum veitunnviðum sem tryggja örugga afhendingu orku.</li> </ul>                                                                                                                                                                                                                                                                                                                                                                                                                                                                                                                                         |

#### 4.3 UMHVERFISMATSSKÝRSLA

Í greinargerð aðalskipulagsbreytingar og matsskyldufyrirspurn framkvæmdarinnar verður gerð grein fyrir umhverfisáhrifum í samræmi við lög um umhverfismat framkvæmda og áætlana.

<sup>15</sup> Skipulagsstofnun. (2025). Landsskipulagsstefna 2024–2038 ásamt fimm ára aðgerðaaætlun fyrir árin 2024–2028. Útgáfa stefnu eftir landfræðilegri skiptingu. Sótt 18. ágúst 2025 af <https://island.is/s/skipulagsstofnun>



## 5 SKIPULAGSFERLIÐ

### 5.1 KYNNING OG SAMRÁÐ

Skipulagsbreytingin verður kynnt í Skipulagsgáttinni þar sem almenningi og umsagnaraðilum gefst færi á að gera athugasemdir eða koma á framfæri ábendingum.

#### *Kynning skipulagslýsingar*

Kynning skipulagslýsingar verður í samræmi við gr. 4.2.4 í skipulagsreglugerð nr. 90/2013. Lýsingin verður kynnt í Skipulagsgáttinni en hana verður einnig hægt að nálgast á vef Ísafjarðarbæjar, [www.isafjordur.is](http://www.isafjordur.is). Hún verður auk þess auglýst í fréttamiðli. Samhliða þessu verður lýsingin send Skipulagsstofnun og öðrum umsagnaraðilum.

#### *Kynning tillögu að breyttu skipulagi*

Drög að breytingu á aðalskipulagi verða unnin í samræmi við skipulagslýsinguna og þau kynnt fyrir almenningi. Skipulagsdrögin verða aðgengileg í Skipulagsgáttinni og á vef Ísafjarðarbæjar. Að lokinni kynningu verður unnin tillaga að breytingu á aðalskipulagi í samræmi við framkomnar athugasemdir og þær lagðar fyrir bæjarstjórn. Að því loknu verður tillagan auglýst með sex vikna athugasemdafresti í samræmi við skipulagslög. Þegar aðalskipulagsbreytingin hefur hlotið staðfestingu Skipulagsstofnunar verður gildistaka skipulags auglýst í B-deild Stjórnartíðinda.

### 5.2 UMSAGNARAÐILAR

Umsagnaraðilar eru samkvæmt skipulagslögum skilgreindir sem opinberar stofnanir og stjórnvöld sem sinna lögbundnum verkefnum á sviði skipulagsmála og leyfisveitingum þeim tengdum. Skipulagslýsingin verður send eftirfarandi aðilum til umsagnar:

- Bolungarvíkurkaupstaður
- Land og Skógur
- Landsnet
- Minjastofnun Íslands
- Náttúrufræðistofnun Íslands
- Orkubú Vestfjarða
- Skipulagsstofnun
- Snerpa
- Umhverfis- og orkustofnun
- Veðurstofa Íslands
- Vegagerðin
- Vesturbyggð

Við skipulagsgerðina verður einnig haft samráð við landeigendur jarðanna Kjalarstaða og Dranga sem framkvæmdin og skipulagsgerðin tekur til. Auk þess verður leitað til samtaka, stofnana, fagaðila og einstaklinga eftir því sem viðfangsefnið gefur tilefni til.

### 5.3 TÍMAÁÆTLUN VERKEFNIS

Tímaáætlun miðast við að lýsing skipulagsverkefnisins verði kynnt í lok febrúar eða byrjun mars 2026. Gert er ráð fyrir að vinnslutillagan verði kynnt í apríl og að skipulagstillaga verði auglýst í júní 2026. Gert er ráð fyrir að breyting aðalskipulagsins geti tekið gildi í lok júlí eða byrjun ágúst 2026.